



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Tractatus De Fiducia In Deum Plurimas Et Utilissimas pro  
vitâ spirituali instructiones Continens, Præcipue Ad  
Obtinendam magnam animæ quietem, & afflictiones  
quascunque ingenti cum solatio & fructu ...**

**Dusault, Nicolas**

**Coloniæ Agrippinæ, 1660**

§. 4. Fiducia in Deum parit gaudium quoddammodo simile divino.

[urn:nbn:de:hbz:466:1-50333](https://nbn-resolving.org/urn:nbn:de:hbz:466:1-50333)

Deo locum habeat; sed quod ita signis iisdem  
 declarat, quibus solent homines cū gaudent,  
 cum tristantur, cum eos pœnitet; aut quod, ut  
 dicunt alii, ejusmodi edat effectus passionum  
 sine ullâ tamen vel mutationis, vel sensus,  
 quatenus adjunctam habent imperfectionem  
 vicissitudine.

## § VI.

*Fiducia in Deum parit gaudium in tribulatio-  
 nibus quodammodo simile divino.*

**H**oc posito fundamento non est difficile  
 ostendere in iis qui patiuntur cum per-  
 fectâ in Deum fiducia, generari perfectū gau-  
 dium etiam tunc cum gravissimas sustinent  
 & tribulationes & persecutiones. Nam sicut  
 hac eruditi virtute, bona quæque velut de  
 manu Dei suscipiunt, ita eadem magistra vir-  
 tute intelligunt mala, quæ patiuntur, sibi à Deo  
 infligi, ut ex afflictionibus suis major in Deum  
 gloria redundet; & cum amor proprius in ad-  
 versis non inveniatur locum, quem habet non-  
 nunquam in prosperis, toto mentis impetu om-  
 nique conatu in unum Deum tendunt, &  
 quanto pluribus gravioribus premuntur ma-  
 lis, tanto se Deo, a quo vocantur, conjungunt  
 arctius & in eo sincerius delectantur omni a-  
 liunde destituti oblectatione. Hinc jaectura  
 honorum sanitatis, existimationis, ex quibus  
 prius capiebant voluptatem, solidius in illis  
 parit

parit gaudium, adeo ut in Deo solo delectetur, quæ est perfectissima omnis gaudii plenitudo, ipsum videlicet gaudium Dei, qui sum est rerum omnium: Amplius dico, si fiducia in Deum non essent præditi, eam certe conciperent ex ipsa afflictionum, damnorum & delationum perpeffione, quæ deinde obtinente fiducia in illis gigneret ineffabile mentis gaudium tanquam virtutis hujus nobilissimum partum. Enimverò fieri vix potest, ut quis longo tempore adversa multa in hoc mundo patiatur quin sentiat levamè aliquod & solatiū in malis; secus enim si fieret, violentū nimis foret ac prorsus intolerabile humanæ infirmitati: Proinde si sui cōpos est homo sic desertus à creaturis omnibus, ad creaturam omnium se convertet, imò Deus etiam attrahet eum ad se multò potentius divinis inspirationibus, quàm repellant à se creaturæ suæ persecutionibus. Ita fiet, ut quisquis eò angustiarum pervenerit, ut jam jam sibi succumbendum putet, postquã frustra opem impetravit creaturarum, totum se Deo tradat, nec in aliã re ullã sed in Deo solo fiduciam suam ponat, quæ animo concepta producit continuò in illo non levamè modò malorum quod quærebat, sed etiam lætitiã singularem omnines mundi delicias excedentem quam non

quærebat, quamque in afflictissimo illo suo statu ne sperare quidem audebat.

*Quare Deus interdum per creaturæ affligat servos suos.*

**H**ic Deus manifestat arcanum divinæ providentiæ suæ consilium, quo ita ordinat de observantissimis sui cultoribus ut eos non raro gravissimis persecutionibus maximisque tribulationibus exercendos tradat, quo melius præcisâ omni spe, solatio & oblectatione creaturarum rerum subtracta ad se attrahat, sibi que arctius conjunctos sincerissimo sui amore, ac purissimo impleat gaudio. Nam quamdiu se vident blandiente terrenarum rerum comitatu septos, fieri vix potest quin iis capiantur & fidant. Unde multum imminuitur fiducia, quam in solo Deo habere debebant. Et quantum ex istis voluptatis & delectationis percipiunt, tantum perdunt cœlestium consolationum & gaudiorum, quæ in uno Deo amato reperissent. Sic olim testatus est Angelus qui B. Stephanam de Soncinno Ordinis S. Dominici docebat viam perfectionis *Qui cum uxore est, inquit Apostolus 1. Cor. 7. sollicitus est qua sunt mundi, quomodo placeat uxori, & hac cogitat quomodo placeat viro, & ita divisi sunt, Deo duntaxat partem aliquam tribuentes ideoque*